



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xxvij Ruffus ein Ritter.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Ruf  
A  
xxvij  
Ruffus.

Dieser ist erstlich ein Heydnischer Ritter gewesen/ vnd hat sich in seinem Ampt ernstlich vnd ganz auffrichtig gehalten. Nachmals ist er zu Christlichem glauben bekehret/ vnd ein warer Christlicher Ritter worden/ Dañ zu der zeit Diocletian Römischen Keyfers / hat er häfftig wider die Heydnische Abgötterey gestritten/ Vnd dieweil er dem Teuffel nit weichen/ noch seine Abgötter anbetten vnd verehren wolte/ ist er mit allem seinem Hausgesinde vnd andern beständigen Christen/ nach gräuelicher peinigung vmbbracht/ vnd in die zahl der lieben beständigen Heyligen zur Himmelschen Gesellschaft genommen worden.

Aug  
B  
xxviii  
Augustinus.

Dieser Augustinus/ ein fürtrefflicher Lehrer Christlicher Religion / ist ein Aphyricaner gewesen / vonn Ehrlichen Eltern geboren / Parricio vnd Monica. In seiner Jugend hat er sich begeben auff die Kunst / zierlich zu reden. Er ist neun jar mit der Manicheischen Secten vnd ihren irthumb vmbgangen / Darnach ist er ghen Rom kommen/ vnd durch Simachi des Stattpflegers anregung / vonn dannen ghen Meylandt gezogen/ daselbst hat er den heyligen Lehrer Ambrosium